

եաններ և զինք կը յորդորեն որ ազերսագիր ներկայացնէ Սուլթանին. միանգամայն դրամական օգնութիւններ կ'ընեն և կը խոստանան ձեռնտու ըլլալ իրեն. «և ժողովեցան առ նա, կ'ըսէ Ջաքարիա, ամենայն բարեկամք նորա՝ որք ի կողմանցն պարսից, որք ի կողմանցն օսմանցւոց, և առաքեցին զկաթողիկոսն յԱդրիանուպօլիս» (23) ուր կը գտնուէր Սուլթան Մուհամմէտ Գ. Յակոբ Ջուղայեցի երեսուն քսակ դրամով, այսինքն 15.000 դահեկանով, ընդդէմ Ապրոյ Չելեպիի և Եղիազարի, կը կաշառէ թուրք մեծամեծներն ու Սուլթանին սիրելիները (24), մասնաւորապէս Ղայմախ Խանը, կաթողիկոսին կ'օգնեն գլխաւորաբար Խոսրով և Միրզա՝ Ջահեցիներու գլխաւորները: Մանաւանդ Խոսրով պատճառ կը հանդիսանայ յաջողութեան, ըստ Ջաքարիա պատմիչին, որ այսպէս կը նկարագրէ Հայրապետին դիմումը. «Կայր այր մի մեծ առ թագաւորն, որ բազմէր ընդ թագաւորին ի սեղան, որոյ անունն էր Ղայմաղ Խան. սա էր բարեկամ Խոսրովին. և միշտ գնայր առ նա Խոսրովն, և բերէր նմա կերպաս հանդերձս, վաճառէր նմա, և առնոյր զգինն լիով. և այսպէս հաւատարիմ լինելով՝ սի-

(23) Ջաֆարիա, անդ, հաս. բ. էջ 73:

(24) Չամչեան, Գ. 714: Դիւան Ս. Յակոբայ, Սիօն, ԺԴ. Տարի, 1940, Դեկտ. բիւ. 12, էջ 315—316: